

गुनकी खोले ने बारे काड दे बिन्जारा,
रामजी भजवा री वेला जाय जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा ॥

अरे वारे करनीया रे लारे रह गया बिन्जारा,
गया है वे गंगा वाली घाट जे ए हा,
अरे वार करनीया रे लारे रह गया बिन्जारा,
गया है वे गंगा वाली घाट जे ए हा,
अरे हसने मुलके ने मुंडे बोल जे मेनागर,
हिवडे पेरावु नवसर हार जे ए हा,
अरे हसने मुलके ने मुंडे बोल दे मेनागर,
हिवडे पेरावु नवसर हार जे ए हा ॥

अरे ऊंची बैठावु बादल महल में मेनागर,
चुडलो पेरावु हस्ती दात जे ए हा,
अरे ऊंची बैठावु बादल महल में मेनागर,
चुडलो पेरावु हस्ती दात जे ए हा,
अरे थारे जेडा रे हाली बालदा बिन्जारा,
नोकता घोडलीयो वाली लाद जे ए हा,
अरे थारे जेडा रे हाली बालदा बिन्जारा,
नोकता घोडलीयो वाली लाद जे ए हा ॥

अरे शेर शेर सोनो पेरती बिन्जारा,
भरती मोतीया सु भारो भार जे ए हा,
अरे शेर शेर सोनो पेरती बिन्जारा,
भरती मोतीया सु भारो भार जे ए हा,
अरे सोना रे पालना मे हिण्डती बिन्जारा,
दासीया रे ऊपर ढोलती बाव जे ए हा,
अरे सोना रे पालना मे हिण्डती बिन्जारा,
दासीया रे ऊपर ढोलती बाव जे ए हा ॥

मतकर धनवंती धन रो गारबो बिन्जारा,
नही रे आवेला थारे काम जे ए हा,
अरे मतकर धनवंती धन काज तो बिन्जारा,
नहीं रे आवेला थारे काम जे ए हा,
घडीयेक झोलो बाजीयो बिन्जारा,
हो गई मे घर घर री पनिहार जे ए हा,
अरे घडीयेक झोलो बाजीयो बिन्जारा,
हो गई मे घर घर री पनिहार जे ए हा ॥

अरे अबतो बिन्जारा री बोली छोड दे मेनागर,
थामद के बतलाय जे ए हा,
अरे अबतो बिन्जारा री बोली छोड दे मेनागर,
थामद के बतलाय जे ए हा,
सायर नीर सरीका डिकरा बिन्जारा,
चन्दन सरीको भरतार जे ए हा ॥

अरे सत्त रेवेतो रे हेलो साम्भलो भाईडा,
बिन्जारे पकडी हट आज जे ए हा,
अरे सत्त रेवेतो रे हेलो साम्भलो भाईडा,

बिन्जारे पकडी हट आज जे ए हा,
अरे जड जई फुलडा ने रे जई वासना रे,
जुग मे वेला सतीयो रो अमर नाम जे ए हा,
अरे जड जई फुलडा ने रे जई वासना रे,
जुग मे वेला सतीयो रो अमर नाम जे ए हा ॥

गुनकी खोले ने बारे काड दे बिन्जारा,
रामजी भजवा री वेला जाय जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा,
अरे गुनकी खोलु तो धोखो उपजे मेनागर,
लारे आवे है थारे वार जे ए हा ॥

गायक सरिता जी खारवाल ।
प्रेषक मनीष सीरवी
9640557818

Source: <https://www.bharattemples.com/gunki-khol-ne-baare-kaad-de-binjara/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>